

示眾

南北東西總一天其中理趣得真傳萬機不向心頭掛一段靈明屬自然

至元癸巳夏四月祕書監丞張君玉被旨論山野作祠事以老攜危病不果故作是詩以謝

喜遇知音話本因門風敢不盡心陳自慚濟世無才略只與青山作主人

題白雲庵

重陽佳節人爭賞藜杖長拖與眾遊仙館問云居甚處白雲庵近白雲樓

道藏輯要

西雲集

全

易集七

歸金閣山舊隱

老來林下度殘年憶得先人詩一聯實著吉心消白日靜開道眼看青天

贈瓦匠

青白玳瑁四角平依長闊厚兩無爭如生破壞歸元主故作荒詩為淮憑

遺世二首

萬事從今總不干十年瀟灑隱林巒三千功滿朝元去半夜騎龍到廣寒

和氣周流正性開煉神合道出塵埃騰空撒手乘風去回首人